

ODLUKU**O DAVANJU SAGLASNOSTI NA ODLUKU O
PRIVREMENOM FINANSIRANJU POTREBA JAVNE
USTANOVE "SLUŽBA ZA ZAPOŠLJAVANJE
KANTONA SARAJEVO" SARAJEVO ZA PERIOD
01.01. DO 31.03. 2019. GODINE****I**

Daje se saglasnost na odluku o privremenom finansiranju potreba Javne ustanove "Služba za zapošljavanje Kantona Sarajevo" Sarajevo za period 01.01. do 31.03.2019. godine, broj 09/1-3114-UO/18, od 21.12.2018. godine.

II

Ova odluka stupa na snagu danom donošenja, i bit će objavljena u "Službenim novinama Kantona Sarajevo".

Broj 01-05-40654/18 Predsjedavajući
26. decembra 2018. godine Skupštine Kantona Sarajevo
Sarajevo **Elmedin Konaković, s. r.**

Vlada Kantona Sarajevo

Na osnovu člana 19. stav (2) Zakona o plaćama i naknadama organa upravljanja i drugih organa institucija Kantona Sarajevo, kantonalnih javnih preduzeća i javnih ustanova čiji je osnivač Kanton Sarajevo ("Službene novine Kantona Sarajevo", broj 10/16) i člana 26. i 28. stav (1) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo je, na 160. sjednici održanoj 20.12.2018. godine, donijela

UREDBU**O DOPUNAMA UREDBE O ODREĐIVANJU VISINE
PLAĆA I NAKNADA ORGANA UPRAVLJANJA I
DRUGIH ORGANA INSTITUCIJA KANTONA
SARAJEVO, KANTONALNIH JAVNIH PREDUZEĆA I
JAVNIH USTANOVA ČIJI JE OSNIVAČ
KANTON SARAJEVO****Član 1.**

(Dopuna člana 4.)

- (1) U Uredbi o određivanju visine plaća i naknada organa upravljanja i drugih organa institucija Kantona Sarajevo, kantonalnih javnih preduzeća i javnih ustanova čiji je osnivač Kanton Sarajevo ("Službene novine Kantona Sarajevo", br. 41/16 i 46/16 - Ispravka, 5/17 i 50/17), u članu 4. iza stava (3) dodaje se novi stav (4) koji glasi:

"(4) Visina plaće iz stava (2) ovog člana predstavlja osnovnu plaću direktora i ista ne može biti manja od iznosa osnovne plaće koju bi ostvario po važećem kolektivnom ugovoru."

Član 2.

(Novi član 10a.)

Iza člana 10. dodaje se novi član 10a. koji glasi:

"Član 10a.

(Kriteriji za utvrđivanja prava za stimulaciju)

- (1) Skupštine javnih komunalnih preduzeća će u saradnji sa nadzornim odborima, izraditi jedinstvene akte iste sadržine za oblast komunalne privrede, kojim će se utvrditi metodologija i kriteriji za utvrđivanja prava na stimulaciju i procent stimulacije, a na koji suglasnost daje resorni ministar, i tada stupaju na snagu.
- (2) Uvjet za ostvarivanje prava utvrđenih u članu 15. Zakona je da osnivač, odnosno Skupština Kantona Sarajevo, usvoji izvještaj o radu i poslovanju javnog komunalnog preduzeća."

Član 3.

(Stupanje na snagu)

Ova Uredba stupa na snagu narednog dana od dana objavljivanja u "Službenim novinama Kantona Sarajevo".

Broj 02-05-39942-3/18
20. decembra 2018. godine
Sarajevo

Premijer
Adem Zolj, s. r.

Na osnovu člana 33. stav (1) Zakona o porezu na promet nekretnina i porezu na naslijeđe i poklone ("Službene novine Kantona Sarajevo", broj 28/18), člana 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo je, na 160. sjednici održanoj 20.12.2018. godine, donijela

UREDBU**O KRITERIJIMA ZA UTVRĐIVANJE VRIJEDNOSTI
NEKRETNINA I POKRETNIH STVARI****DIO PRVI - OSNOVNE ODREDBE****Član 1.**

(Predmet Uredbe)

Ovom uredbom definišu se kriteriji za utvrđivanje vrijednosti nekretnina i pokretnih stvari koje su predmet oporezivanja po Zakonu o porezu na promet nekretnina i porezu na naslijeđe i poklone ("Službene novine Kantona Sarajevo", broj 28/18) (u daljem tekstu: Zakon).

**DIO DRUGI - KRITERIJI ZA UTVRĐIVANJE
VRIJEDNOSTI ZEMLJIŠTA****Član 2.**

(Vrste zemljišta)

Zemljišta koja su predmet ove uredbe su: građevinsko, poljoprivredno, šumsko i ostalo zemljište.

Član 3.

(Kriteriji za utvrđivanje vrijednosti građevinskog zemljišta)

- (1) Osnovni elementi za utvrđivanje vrijednosti građevinskog zemljišta su:
- površina zemljišta i
 - zona u kojoj se zemljište nalazi.
- (2) Korektivni elementi za utvrđivanje vrijednosti građevinskog zemljišta su:
- područje na kojem se zemljište nalazi;
 - konfiguracija zemljišta;
 - ogradenost zemljišta;
 - prilaz zemljištu;
 - posjedovanje građevinske dozvole;
 - infrastrukturna opremljenost i
 - orijentacija.

Član 4.

(Kriteriji za utvrđivanje vrijednosti poljoprivrednog zemljišta koje se ne koristi u poljoprivredne svrhe)

- (1) Osnovni elementi za utvrđivanje vrijednosti poljoprivrednog zemljišta koje se ne koristi u poljoprivredne svrhe su:
- površina zemljišta i
 - zona u kojoj se zemljište nalazi.
- (2) Korektivni elementi za utvrđivanje vrijednosti poljoprivrednog zemljišta koje se ne koristi u poljoprivredne svrhe su:
- područje na kojem se zemljište nalazi;
 - konfiguracija zemljišta;
 - postojanje prirodnih resursa na zemljištu (izvorište vode, prirodnih ruda i dr.);
 - ogradenost zemljišta;
 - prilaz zemljištu;
 - klasa trajnih nasada i
 - orijentacija.